



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1595. usque ad annum 1600

Fleury, Claude

August. Vind. [u.a.], 1773

VD18 90118677

§. 64. Privatæ disputationis consilium a Jesuitis propositum.

[urn:nbn:de:hbz:466:1-67263](https://nbn-resolving.org/urn:nbn:de:hbz:466:1-67263)

§. LXIV.

Sæcul. XVI.
A. C. 1599.*Privatæ disputationis Consilium a
Jesuitis propositum.*

Interim Episcopi, ac Theologi ad reco-
gnoscendum primum examen selecti, *Hist. Congr. l. 2. c. 4.*
postquam rem matura deliberatione dis-
cusserant, annuente Madrutio Cardinali
harum Congregationum Præside, die
duodecima Martii Gregorio Nunnio Co-
ronello natione Lusitano Theologiæ Do-
ctori, qui præfatæ Congregationi a se-
cretis erat, anno salutis nostræ millesi-
mo quingentesimo nonagesimo nono
negotium dabant, ut singulorum censu-
ras in unam contraheret, ac nomine o-
mnium, prout inter eos jam antea con-
ventum erat, unam conficeret censuram,
cujus exemplar hodiedum in Angelica
Augustinianorum Bibliotheca asserva-
tur. Attamen jam antea Patribus So-
cietatis hoc Consultorum propositum
innotuerat, quapropter hoc fulmen tem-
pestive declinaturi eo ferventius insiste-
bant, ut Pontifex decretam maturaret
disputationem, in qua Patres Societatis
se nec Molinæ librum, nec ejus doctri-
nam propugnaturus, sed duntaxat de
gratiæ efficacia disserturos spondebant.
Clemens VIII. hoc pacto inter litigan-
tes doctrinæ concordiam revocatum iri
sperans, privatæ huic collationi diem
Hist. Eccles. Tom. LII. D d vi-

Sæcul. XVI.
A.C. 1599.

vigesimam secundam Februarii alligabat, nullique parti suspectos confitebat arbitros scilicet Eminentissimos Cardinales Madrutium, atque Asculanum necnon Bellarminum, quorum postremus e Societate Jesu, secundus vero Ordine Fratrum Prædicatorum erat: pro ro coram his tam Fratres Dominicæ quam Jesuitæ convenerant, suaque colloquia usque ad diem decimam sextam Maji protraxerant: hoc item tempore Jesuitæ scriptum quoddam ab ejusdem instituti Theologis subscriptum divulgabant, cui titulus: *confutatio cujusdam tentiæ falsæ de efficacia divinæ gratiæ*. Verum hujus libri authores hostem, quem ferirent, nescivisse credebantur; quapropter Madrutius Cardinalis, cui prævata lucubrationis examen jussu summæ Pontificis demandatum erat, observabat, quod nequaquam physica Theologiarum prædeterminatio, sed longe alia ex ingenii arbitrio fabricata in hoc scripto fuerit impugnata, nec non facta Concilii Tridentini Decreta contra Calvinistas lata perperam adversus Anglicanæ Scholæ doctrinam contorta: imò perhabita tamen hac Cardinalis Censura Jesuitæ hunc eundem librum anno Incarnationis Dominicæ millesimo sexcentesimo sexto coram Paulo V. Pontifice

fice proferebant, quamvis haud magis benigno fato tum exceptus fuerit.

Sæcul. XVI.
A.C. 1599.

§. LXV.

Mutuum inter utriusque partis Theologos colloquium.

Præstituta vigesima secunda Februarii die utriusque partis Theologi de controversis quæstionibus inter se pacifice disputaturi prima vice Romæ conveniant, & quidem ex Ordine Fratrum Prædicatorum aderant Reverendissimus Pater Hyppolitus Maria supremus totius Ordinis Magister Generalis unacum suo Procuratore Generali, necnon Beccaria, Didaco Alvares, & Raphaela Ripa Theologiæ Magistris: ex Societate vero comparuerant Claudius Aquaviva Societatis Generalis, Michael Vasques, Christophorus Cobos, & Petrus Arubal. His una congregatis Madrutius Cardinalis hujus Colloquii Præses orationem habuit, in qua exponebat, quod inter utriusque Ordinis Religiosos ex opinionum diversitate animorum contentiones, ac dissidia fuisse enata, eaque indies aucta, non sine animi sui mærore percepisset, componendæ autem pacis studio accensus ad preces Regis Catholici tam Prædicatorum, quam Jesuitarum Generales, unacum selectis utriusque Ordinis Doctoribus convocasset,

Hist. Congr.

l. 2. cap. 5.

Hist. controuv

l. 3. c. 6.

D d 2

set,